

Landesbibliothek Oldenburg

Digitalisierung von Drucken

**Cornelius Nepos perperam vulgo Aemilius Probus dictus,
De Vita Excellentium Imperatorum**

Nepos, Cornelius

Lipsiae, MDCCXIV

VD18 12591890

III. Andreae Schotti Epistola. Lectoris.

urn:nbn:de:gbv:45:1-16472

DE CORN. NEPOTE.

Maria Catanaeus, commentario in Plinii librum IV. epist. XXVIII, quae ad Seuerum scripta est, etiam *Daretem Phrygium a Nepote translatum* arbitratur. Nempe decepit eum vulgati *ἐμυγαφῆ*. Attamen & hic aqua haeret Vinerō, notis in Aufon. Idyll. VII. Negat esse, qui certe aliquid de translatione hac ausit adfirmare. Atqui omnes quibus vllum in hisce litteris iudicium est, satis vident, nec Daretem illum esse genuinum: nec dictionem eius Augustaeam sapere aetatem: sed recentiore multo. Nepotem autem Caes. Augusti obiisse aeuo, Plinius testatur lib. IX. cap. XXXIX. Atque hoc fortasse impulit Genebrardum, vt putaret, eum nato iam Christo superstitem fuisse: qui & Iacobum Gualterium, cum primum tabulas ederet chronographicas, in eam sententiam pertraxit. Sed Nepotem eo vsque aetatem prorogasse nemo temere dixerit, qui tanti eum in litteris nominis, iam Tullii, Attici, Catulli temporibus, fuisse cogitarit.

III.

ANDREAE SCHOTTI

EPISTOLA.

LECTORIS.

QUOD auctoribus non paucis accidisse memini, vt multa ingenii monumenta, vel ipsis ablata alteri falso attribuerentur, vel aliena ipsis subiicerentur, quo in vulgus tituli lenocinio probarentur, & tanquam a matribus suppositi filii pro veris obtruderentur; idem NEPOTI nostro vsu venisse, didici. Librum enim *de Vita & moribus Excellentium Graeciae Imperatorum,*
ad

IVDICIA

ad T. Pomponium Atticum; sequioris aetatis auctori Aemilio Probo attribuerunt: a quo stilius, dicendique elegans character, Attici aetas, multaue abiudicant. Scriptorem contra *de viris illustribus Urbis Romae*, qui a Proca ad Cn. Pompeium vsque, septingentorum annorum memoriam, resque gestas virorum domi militiaeque illustrium breuiter colligauit, Plinio minori (cui Aldus Manutius adscripserat) ablatum, Nepoti Cornelio multorum ingratiis inscripserunt, & ex Caecilia gente in Corneliam, obtorto collo, Itali quidam Censores, Hermolaus Barbarus, Ianus Parrhasius, Catellianus Cotta, & Dominicus Machanaeus aliique traduxerunt. Sed neutrius mihi videri, admodum adolescens docui singulari Comm. in eum auctorem Duaci, & Lutetiae edito: & veterum librorum fide rationumque momenti *Sex. Aurelio Victori* iure postliminii reddimus: cuius & Historiam Augustam ante me natum nusquam, quod equidem sciam, typis vulgatam, Antuerpiae primi edidimus. Quare ut illa Aemilio adscripta Nepotis esse *γνήσια* pronuntio; ita *Viros illustres* eidem abiudico.

Sed sunt & alia spuria, & Cornelio indigna. Daretis enim Phrygii circumfertur de bello Troiano, cui interfuisse dicitur Historia, quam Raph. Volaterranus sex carminum libris (qui & cum Dicty Cretensi vulgo leguntur) conuertisse Nepotem tradidit; quibus & prosa oratione Narratio excidii Troiae praemittitur, quam & ipse in veteribus libris etiam soli Cornelio cuidam inscriptam vidi. Stilus sane non est aureae illius aetatis, nedum Cornelii, cuius eloquentiam M. Tullius

Tullius Romanorum disertissimus laudavit, eo-
 que nomine carissimus habuerit. Fuisse quidem
 Homero antiquiorem scriptorem Daretem, Ae-
 liani auctoritate, & D. Isidori, non inficior: sed
 hicne liber ille sit, qui ad Aeliani vsque aetatem
 duravit, vehementer dubito. Sic vero ille libr.
 XI. cap. II. Variarum Historiarum. Τὸν Φρύγα δὲ Δάρετα
 ἢ Φρυγίαν Ἰλιάδα ἐτι καὶ νῦν ἀποσωζομένην οἶδα πρὸ
 Ομήρου καὶ τῆτον γενέσθαι λέγει. Sallustio id opus
 nothum & illegitimum falsarius ille, quisquis is
 est, lege Cornelia, si deprehendatur, puniendus
 inscripsit. Quem quidem Crispum R. Historiae
 principem, initio statim rustice, & inepte appel-
 lat: Cui inquit, *nihil adiciendum, rei formi-
 dandae (fort. formandae) causa putavi, alio-
 quin meum esse posset dubitari.* Verum enim-
 vero germanum me reperisse parentem gaudeo,
 natalibus itaque restituo, auctoritatem secutus
 veluti familiarum censoris Guilielmi Camdeni
 hominis Britanni, qui sic Daretis illius ac poëma-
 tis in Angliae Historia meminit de Isca loquens:
*Hoc saeculo (anno 1224) st. ruit qui hinc oriundus
 ἔ cognominatus, Iosephus Iscarius splendidissimo
 ingenio poëta: cuius scripta sic probabantur, ut
 ad veterum scriptorum laudem peruenerint.* Eius
 etenim de Bello Troiano poëma Germani ter sub
 Cornelii Nepotis nomine diuulgarunt. Iam vero
 Alexandri illam ad Aristotelem praeceptorem de
 rebus Indicis epistolam, quae Q. Curtio Rufo fe-
 re subiicitur, ubi & quercus edunt oracula, mul-
 taque ridicula leguntur, quis, nisi crasso & pin-
 gui iudicio praeditus, ab elegantissimo Nepote
 tam incondite conuersam credat? Quin & in ipsis
 b aucto-

IVDICIA DE CORN. NEPOTE. *

auctoribus vereor, ne dubia quaedam, nec a Nepote profecta, occurrant: ut quae in Ciceronis epistolis ad Atticum non de Cornelio nostro, sed fortasse de Metello, Nepote aliove legi docuimus: & illam mihi ἐπιγραφήν suspectam videri apud Suetonium, *Quid differat litteratus ab erudito.* Et illa Iornandis Gothici de Britannia, suspicor Taciti potius esse quam Nepotis, ex iis libris, qui & ipsi magnam partem damno publico intercederunt. Ach. tamen Statius Comment. in Catulum Nepoti dedit: quin & Cornel. Labeonis quaedam apud Macrobius lib. I. Saturn. eidem adscripsit. Sed ταῦτα θεῶν ἐν γένεσι κείται. Nos de iis aliquando in libris ψευδεπιγραφίας plura. Nunc Corneliae Matris Gracchorum (cui eloquentiam, teste Cicerone & Fabio, acceptam referebant) epistolae fragmentum adiiciam: quod legitimumne sit, aut a declamatore aliquo, ut solet, conformatum, nunc non disputo. Parua sane papyri iactura, repertum in veteri libro Abbatiae Faesulanae, mihi que ab Antonio Augustino, Archiepiscopo Tarraconensi, viro clarissimo perhumaniter oblatum, post idem a clariss. viro Iacobo Bongarsio descriptum, e Britannico exemplari e Germania dono missum, * Cornelianis addendum putavi. Va'e.

* Vide infra fragmentis subiectam illam epistolam Corneliae.

CHRO-

CHRONOLOGIA
IMPERATORVM GRAECIAE
REGVMQVE EXTERORVM
APVD CORNELIVM NEPOTEM
PER OLYMPIADAS.

*Initium Olympiadum cadit in annum Periodi
Iulianae 3938: & Roma condita eiusdem pe-
riodi anno 3966, qui quartus est Olympiadis
septimae. *Vsser.* Quod si ergo 28 anni sub-
ducuntur summae annorum Olympiadum,
annus Urbis conditae iuuenitur.

OLTMP.

LXII

1

2

3

4 Cyrus periit in Massagetis, *Nepos*

21. 1. 2.

LXIII

Cambyfes

LXIV

1

2

3

4 Darius Hystaspis fit rex.

LXV

LXVI

b 2

OLTMP.